

**"Жолаушылар мен багажды автомобильмен тұрақты тасымалдауды ұйымдастырудың үлгі шартын бекіту туралы" Қазақстан Республикасы Үкіметінің 2011 жылғы 27 маусымдағы № 716 қаулысына өзгерістер мен толықтырулар енгізу туралы**

*Күшін жойған*

Қазақстан Республикасы Үкіметінің 2014 жылғы 12 наурыздағы № 230 қаулысы. Күші жойылды - Қазақстан Республикасы Үкіметінің 2015 жылғы 10 тамыздағы № 622 қаулысымен

**Ескерту. Күші жойылды - ҚР Үкіметінің 10.08.2015 № 622 қаулысымен ( алғашқы ресми жарияланған күнінен кейін күнтізбелік он күн өткен соң қолданысқа енгізіледі).**

Қазақстан Республикасының Үкіметі **ҚАУЛЫ ЕТЕДІ:**

1. «Жолаушылар мен багажды автомобильмен тұрақты тасымалдауды ұйымдастырудың үлгі шартын бекіту туралы» Қазақстан Республикасы Үкіметінің 2011 жылғы 27 маусымдағы № 716 қаулысына (Қазақстан Республикасының ПҰАЖ-ы, 2011 ж., № 43, 573-құжат) мынадай өзгерістер мен толықтырулар енгізілсін:

көрсетілген қаулымен бекітілген Жолаушылар мен багажды автомобильмен тұрақты тасымалдауды ұйымдастырудың үлгі шартында:  
1-тарау мынадай редакцияда жазылсын:  
« 1 . Ш а р т т ы ң м ә н і :

1.1. Ұйымдастырушы жалпы пайдаланымдағы тұрақты маршруттарға қызмет көрсету құқығын береді, ал тасымалдаушы өзіне төменде көрсетілген маршруттар бойынша тасымалдарға қызмет көрсету жөніндегі міндеттерді қабылдайды.

№	Маршрут нөмірі	Маршруттың атауы	Жұмыс істейтін автобустар, шағын автобустар, троллейбустар саны

»;

2.1.3-тармақша алынып тасталсын:

2.1.6-тармақша мынадай редакцияда жазылсын:

«2.1.6. Жолаушылар мен багажды автомобильмен тұрақты тасымалдауды жүзеге асыру кезінде маршруттың барлық аялдама пункттерінде – өз бетінше не жолаушылар агенттіктері, автовокзалдар, автостанциялар және (немесе) жолаушыларға қызмет көрсету пункттері арқылы жол жүру құжаттары (билеттер ) мен багаж түбіртектерін сатуды, оның ішінде жол жүру құжаттары (билеттер)

мен багаж түбіртектерін электронды түрде сатуды қамтамасыз етуге, сондай-ақ олардың жолаушыларда болуын бақылауды жүзеге асыруға.»;

2.1.10, 2.1.11 және 2.1.12-тармақшалар мынадай редакцияда жазылсын:

«2.1.10. Тасымалдау үшін автобустардың, троллейбустардың және шағын автобустардың осы шартта көзделген санын және типін (класын) пайдалануға.

2.1.11. Маршрутта пайдаланылатын автобустардың, троллейбустардың және шағын автобустардың қозғалыс кестесін сақтауға.

2.1.12. Белгіленген талаптарға сәйкес автобустарда, троллейбустарда, шағын автобустарда маршруттар көрсеткіштерінің, салондарда – жолаушылар үшін қажетті ақпарат тізбесінің болуын қамтамасыз етуге.»;

мынадай мазмұндағы 2.1.13., 2.1.14. және 2.1.15-тармақшалармен толықтырылсын:

«2.1.13. Автокөлік құралдарын шұғыл ден қоятын жедел қызметтерді шақыру құрылғыларымен жабдықтауға.

2.1.14. Тасымалдауды ұйымдастырушыға ақпарат бере отырып, автокөлік құралдарын қозғалыс жылдамдығы, маршрутының және кестесінің сақталуы туралы деректерді нақты уақыт режимінде үздіксіз беру құрылғыларымен жабдықтауға.

2.1.15. Ұлттық стандарттарды сақтауға міндетті.»;

2.2.2-тармақ мынадай редакцияда жазылсын:

«2.2.2. Автобустардың, шағын автобустардың, троллейбустардың белгіленген қозғалыс кестесінің сақталуын бақылауды жүзеге асыруға.»;

мынадай мазмұндағы 2-1-тараумен толықтырылсын:

«2-1. Маршрутта пайдаланылатын автобустарды, шағын автобустарды, троллейбустарды жаңарту жөніндегі талаптар

2-1.1. Тасымалдаушы екі жылдан аспайтын уақыт өткен соң маршрутта пайдаланылатын автобустарды, шағын автобустарды, троллейбустарды осы шарттың 1-қосымшасына сәйкес жаңартуға міндетті.»;

4.1-тармақта:

төртінші және бесінші абзацтар мынадай редакцияда жазылсын:

«Автомобиль көлігі туралы» 2003 жылғы 4 шілдедегі Қазақстан Республикасы Заңының 22-бабы 2-тармағының 2) тармақшасында көзделген міндеттің орындалмауына байланысты тасымалдаушының кінәсінен адам өлімі орын алған жол-көлік оқиғаларының (ЖКО) болуы;

осы шарттың 2.1.1-тармағының талаптарына сәйкес келмейтін автобустарды, шағын автобустарды, троллейбустарды маршрутта бір жылда үш және одан көп рет пайдалану;»;

мынадай мазмұндағы жетінші және сегізінші абзацтармен толықтырылсын:

«жүргізушінің (жүргізушілердің) кінәсінен бір маршрутта адам өлімі болған

жол-көлік оқиғасының (ЖКО) бір жыл ішінде үш және одан көп рет болуы;  
осы шарттың 2-1.1-тармағының талаптарын орындамау болып табылады.»;

5.2-тармақ мынадай редакцияда жазылсын:

«5.2. Кестелер, маршруттар бойынша қозғалыстың және тарифтік кестенің схемалары, сондай-ақ маршрутта пайдаланылатын автобустардың, троллейбустардың, шағын автобустардың типі (класы) мен саны осы шартқа 2-қосымшаға сәйкес жеке қосымшада келтіріледі.

Егер облыстардың (республикалық маңызы бар қаланың, астананың) жергілікті атқарушы органдары белгілеген тариф тасымалдау, сондай-ақ жолаушылар мен багажды жеңілдікті шарттарда немесе тегін тасымалдау шығындарын жаппаса, Қазақстан Республикасының заңнамасына сәйкес шартта тасымалдаушыға өтем төлеу мөлшері мен мерзімдері көзделеді.»;

мынадай мазмұндағы 5.8-тармақпен толықтырылсын:

«5.8. Осы үлгі шарттың 2.1-тармағының 2.1.13. және 2.1.14-тармақшаларының талаптары 2015 жылдағы 1 қаңтардан бастап жасалатын шарттарға қатысты қолданысқа енгізіледі.»;

мынадай мазмұндағы 6.2-тармақпен толықтырылсын:

«6.2. Осы шартқа 1-қосымшаға сәйкес маршрутта пайдаланылатын автобустарды, шағын автобустарды, троллейбустарды жаңарту кезінде шарттың қолданылуы 10 жылға ұзартылады.»;

көрсетілген жолаушылар мен багажды автомобильмен тұрақты тасымалдауды ұйымдастырудың үлгі шарты осы қаулыға 1 және 2-қосымшаларға сәйкес 1 және 2-қосымшалармен толықтырылсын.

2. Осы қаулы алғашқы ресми жарияланған күнінен кейін он күнтізбелік күн өткен соң қолданысқа енгізіледі.

<i>Премьер-Министрі</i>	<i>Қазақстан Республикасының</i>
	<i>С. Ахметов</i>
Қ а з а қ с т а н	Р е с п у б л и к а с ы
Ү к і м е т і н і ң	
2 0 1 4	ж ы л ғ ы
№ 2 3 0	қ а у л ы с ы н а
1-қосымша	
Ж о л а у ш ы л а р	м е н
а в т о м о б и л ь м е н	т ұ р а қ т ы
т а с ы м а л д а у д ы	ұ й ы м д а с т ы р у д ы ң
ү л г і	ш а р т ы н а
1-қосымша	

## Маршрутта пайдаланылатын автобустарды, шағын автобустарды, троллейбустарды жаңарту бойынша кесте

Автобустарды, шағын автобустарды, троллейбустарды пайдалану мерзімі	Автобустар, шағын автобустар, троллейбустар саны*						
	2-3	4-6	7-10	11-15	16-25	26-50	51 және одан көп
7 жылға дейін	+	+	+	+	+	+	+
7 жылдан 12 жылға дейін	50%	25%	20%	20%	20%	20%	20%
12 жылдан 15 жылға дейін	-	25%	25%	25%	24%	22%	21%
15 жылдан астам	-	-	-	4%	6%	10%	15%

«+» - маршрутта автобустарды, шағын автобустарды, троллейбустарды пайдалануға рұқсат етіледі;

«-» - маршрутта автобустарды, шағын автобустарды, троллейбустарды пайдалануға рұқсат етілмейді.

\* - автобустардың, шағын автобустардың, троллейбустардың жалпы санынан белгіленген пайыздық мәндегі автобустардың, шағын автобустардың, троллейбустардың санын анықтаған кезде мәні 0,5 және одан көп болса, саны ұлғаю жағына қарай анықталады (1 автобус, шағын автобус, троллейбус).

Қ а з а қ с т а н

Р е с п у б л и к а с ы

Ү к і м е т і н і ң

2 0 1 4

ж ы л ғ ы

1 2

н а у р ы з д а ғ ы

№

2 3 0

қ а у л ы с ы н а

2-қосымша

Ж о л а у ш ы л а р м е н б а г а ж д ы

а в т о м о б и л ь м е н т ұ р а қ т ы

т а с ы м а л д а у д ы

ұ й ы м д а с т ы р у д ы ң

ү л г і ш а р т ы н а

2-қосымша

### Маршрут пен тарифтік кесте бойынша кестелерде, қозғалыс схемаларында қамтылған, сондай-ақ маршрутта пайдаланылатын автобустардың, троллейбустардың және шағын автобустардың типі (класы) және саны жөніндегі ақпарат

1. Автобустардың, троллейбустардың және шағын автобустардың кестелерінде мынадай ақпарат қамтылуға тиіс:

- 1) маршруттың атауы;
- 2) аялдама пункттерінің атауы;

- 3) аялдама пункттерінің бір-бірімен арақашықтығы;
- 4) рейс бойынша келу, тоқтап тұру, жөнелу, жүру уақыты, орташа жүру жылдамдығы бойынша бір бағытта және кері бөлу;
- 5) жылдық, тоқсандық, айлық, апталық немесе күндік өлшемдегі маршрутты жүзеге асыру мерзімділігі;
- 6) тасымалдаушының атауы;
- 7) мемлекеттік органның немесе жергілікті атқарушы органның атауы, лауазымды адамның тегі және аты-жөні және оның аталған органның мөрімен расталып қол қойылған күні көрсетілген қолы.

2. Автобустардың, троллейбустардың және шағын автобустардың қозғалыс сызбаларында мынадай ақпарат қамтылуға тиіс:

- 1) маршруттың атауы;
- 2) аялдама пункттердің атауы;
- 3) тасымалдаушының атауы;
- 4) қауіпті учаскелер және олардың сипаттамасы;
- 5) мемлекеттік органның немесе жергілікті атқарушы органның атауы, лауазымды адамның тегі және аты-жөні және оның аталған органның мөрімен расталып қол қойылған күні көрсетілген қолы.

3. Тарифтік кестеде мынадай ақпарат қамтылуға тиіс:

- 1) маршруттың атауы;
- 2) аялдама пункттердің атауы;
- 3) тасымалдаушының атауы;
- 4) жолаушылардың жол жүру, багажды алып жүру және жолаушылардың жеңілдетілген жол жүру құны;
- 5) мемлекеттік органның немесе жергілікті атқарушы органның атауы, лауазымды адамның тегі және аты-жөні және оның аталған органның мөрімен расталып қол қойылған күні көрсетілген қолы.

4. Маршрутта пайдаланылатын автобустардың, троллейбустардың және шағын автобустардың типі (класы) бойынша ақпарат:

- 1) автобустың, троллейбустың және шағын автобустың мемлекеттік нөмірі;
- 2) автобустың, троллейбустың және шағын автобустың типі (класы);
- 3) автобустың, троллейбустың және шағын автобустың шығарылған жылы;
- 4) автобустардың, троллейбустардың және шағын автобустардың саны.